



08757

隱居通議卷二十七

南豐劉

謙起潛著

禮樂

雩祭

周制月令建巳月大雩五方上帝其壇名曰雩祭于南

郊之傍以太昊

青

炎帝

赤

軒帝

黃

少昊

白

顓帝

黑

配五

帝左傳龍見而雩乃角亢星見時周之六月陽氣盛恆

旱故雩雩之為言遠也遠為百穀以祈膏雨若國大旱

則司巫帥巫而舞雩若旱暵則女巫舞雩世人常言舞

隱居通議

雩未知其義始此

靈星

周制仲秋之月祭靈星于國之東南漢高祖八年令郡

國縣邑立靈星祠常以歲時祠以牛祠后稷以羊兔祠

后稷而謂之靈星者以后稷又配食星也舊說星謂天

田星也一曰龍左角為天田主穀乃于壬辰位祠之壬

為水辰為龍就其義也東晉靈星配饗南郊不置祠唐

以立秋後祀靈星于國城東南又詩絲衣序高子曰靈

星之尸則祠靈星亦立尸後世學宮門謂之靈星門者

一海山仙館叢書

或謂靈星之祭賓尸于此故名然今之靈星門于義實

所未喻

又淮南子主術訓君人之道其猶零星之尸也儼然元默而吉祥受福○詳見後學宮制

封禪義

帝王易姓必封泰山所以告成功也禮云因名山升中于天而必于泰山者萬物交代之處封增其高順其類也升上也中成也刻石紀號以著功績封訖而禪梁父者亦因天以及地也說者謂封禪取高厚之義封土于山而禪祭于地天以高爲尊地以厚爲德也增泰山之高以報天附梁父之厚以報地梁父者泰山之支山卑下者也能以其成功相禪代故封禪以告太平

墓祭

世謂三代以前無墓祭而朝陵拜埽起于秦時古宗廟前制廟後制寢秦始出寢起于墓側漢因秦上陵皆有園寢起居衣服象生人之具古寢之意也唐開元二十年四月制曰寒食上墓禮經無文近代相傳浸以成俗士庶有不合廟享何以用展孝思宜許上墓同拜埽禮不得作樂仍編入五禮永爲恆制故議者以爲墓祭始于唐也

州縣學祀文宣王以兗國公顏子鄒國公孟子配享文

廟後宋咸淳中議者以本朝崇尚四書宜并祀曾思配

享于是以邾國公

會參

沂國公

孔伋子思

升配文宣王與顏孟

爲四其意蓋以顏主論語孟主孟子而大學則曾之所

述中庸則思之所作是因四書而尊四賢可謂備一代

之盛典其後見北人云北方文廟惟以顏孟配而曾思

不與焉蓋移蹕東南曾思並配之令不及北方故中原

惟守舊制也初制配享之禮顏孟東西相對其後熙豐

隱居通議卷二十七

三

海山仙館叢書

姦黨以私意追尊王安石因妄比王安石爲顏子遂遷

孟子位西面東與顏子對者退處于位東面西與顏子

並既而朝廷更化國論維新乃罷王安石配享亟毀其

塑像一時因循不復釐正孟子仍舊位東面西咸淳增

配承襲譌繆亦以曾思並列于顏孟之下俱位東面西

竟成虛右遂謂配位俱當左列其實不然舊

嘗陪從理宗夫享明堂以太祖太宗配

位有四皆東西相面不偏于一以此見

聖廟配享必東西相面也千載之後必有能正之者

古者君亡未有諡皆以大行稱之往而不反之義也始
皇崩于沙丘胡亥曰今大行未發喪禮未終見李斯傳
愚謂行字可作去聲蓋諡未定則德未名姑總稱爲德
行之大者

墓旆書例

古人題旆及題墓必加國號如曰唐故宋故所以表其
爲何代之人後將有考也曹孟德自謂願題漢故征西
將軍曹侯之墓者亦以漢國號加于故字之上此其凡

例也德祐以前題墓俱曰宋故不以爲嫌歸附以來皆
不書國號惟書故字甚無義理近見北人皆書元故南
人乃不然由今思之若不書元故則題旆題墓惟曰某
官靈柩曰某人之墓此理爲長子有友人不書國號子
并去其故字識者咸以爲當蓋既不書國號則故字之
義無所承若必欲書則必加國號乃可

鹵簿字義

鬼谷子曰車駕行羽儀導從謂之鹵簿自秦漢始有其
名後漢胡廣作天子行鹵大楯也所以扞敵部伍之次

皆著之簿儀其五兵獨以盾爲名者行道之時甲楯居
外餘兵在內故但言鹵簿而五經精義亦曰鹵大楯也
以大楯領一部之人故名之曰鹵簿其義如此

社稷之名

子于前卷嘗紀今世竝稱稷契爲非蓋稷乃官名契乃
臣名也按國語載展禽曰昔烈山氏之有天下也其子
曰柱能殖百穀百蔬夏之興也周棄繼之故祀以爲稷
共工氏之伯九有也其子曰后土能平水土故祀以爲
社注云烈山氏炎帝之號也即神起于烈山祭注以烈

隱居通議卷二十七

五 海山仙館叢書

山爲厲山是也柱爲后稷自夏以上祀之夏禹之興棄
能繼柱之功自商以來祀之共工氏伯者在羲農之間
其子句龍在黃帝時爲土官九土九州之土也后君也
使君土官故曰后土社后土之神也又棄勤播百穀死
于黑水之山故曰稷勤百穀而山死由是觀之則柱與
棄俱號后稷氏共工句龍號后土氏稱后稷后土則各
以其官于理甚宜若以稷契竝稱則官名臣名雜述矣
杜氏通典云顓頊祀共工氏子句龍爲社烈山氏子柱
爲稷高辛氏唐虞夏皆因之殷湯爲旱遷柱而以周棄

代之欲遷句龍無可繼者故止又曰凡社皆以句龍配
凡稷皆以棄配社者五土之神稷者于五土之中特指
原隰之祇援神契云稷者原隰之中能生五穀之祇是
也

漢酎

漢制正月旦作酒八月成三重釀醇酒也味厚故以薦
宗廟八月嘗酎會諸侯王于廟中出金助祭謂之酎金
皇帝齋宿獻金金不如斤兩或色惡王削縣侯免國今
南方所謂一宿酒者只一重而已今至三重則其味醇
厚可知矣

九族

九族之說具載禮經見喪服小記然諸家議論不同按夏侯

歐陽等則以爲父族有四母族有三妻族有二與孔安
國尚書注上自高祖下至元孫之說異然鄭康成孔穎
達則謂由一而三由三而五由五而九故列圖于後以
俟知者

父族四

已姊妹適人者及子

父五服內親族

父姊妹適人者及子 已女適人者及子

母族三

母之姊妹及其女 母之父姓 舅族

母之母姓

妻族二

妻之父姓 妻之母姓

三族

高曾祖父已子孫曾元

由一而三父 已身 由三而五祖 父子 由五而九高

隱居通議卷二十七

七 海山仙館叢書

曾元

學宮靈星門制

州縣學宮舊制外門曰靈星未詳其義余叔父秋麓先生博學多能洞究古誼嘗著其說云漢祭祀志曰龍左角為天田天田號靈星見則為農祥故春籍田而祈社稷祭之祠后稷又祭之祭之皆有尸天子諸侯卿大夫名以配先祖食不忍輒忘祭罷不容遽使之出門而就臣位故其退尸必尋繹復祭但天子諸侯祭之明日又祭曰繹卿大夫祭之當日又祭曰賓尸士曰宴尸皆退

尸也故於廟門外又一門曰靈星門漢郊祀志或言曰周興而邑立后稷之祠至今血食天下于是高祖制詔御史其令天下立靈星祠今無存者不可復考良邦詩序秋報社稷也與絲衣篇次相屬亦可考見絲衣詩序又載高子曰靈星之尸也旨意甚明近世儒者不知何故刊去此語殆由不知靈星之尸爲祈報社稷之尸也夫子釋奠祭之略無其義閒嘗深思其制抑昌黎先生謂夫子生民之功與社稷之功固自有次第者歟故作靈星門于廟門外而釋奠皆出揖之歟書此以俟後人

隱居通議卷二十七

八
海山仙館叢書

博采以上皆叔父所著說叔父嘗以明經兩試天子之廷退而博考經史百家多所論著尤于孔門諸子之學多所發明著聖門言行錄若干卷蓋勤苦考訂凡數十年而後成又自類所作曰山雉愛影集近得而讀之筆力超絕雖老師宿儒不敢望其藩也念昔垂髫從叔父學辱承獎掖今叔父八十有一余亦六十有六矣老冉冉至懷舊淒然子杜門隱處塵土枯槁海內知己貴人零落殆盡非復疇昔故雖勉自造就力昭其苦心使得崢嶸略慰平生而有不能也付之浩歎而已然叔父雖

高年詩筆彌勁而愚乃志氣日惰幾于進寸而退尺嘗自笑曰豈江淹才盡邪友人譚伯玉酷嗜叔父之文欲先刊其所作詩果成子當附數語其後

從祀之目

按史記及唐會要弟子凡七十七人而

缺

宋宰相王文正公且嘗言會要所錄七十七人當從缺所載七十二人于是琴張申棖林放陳亢蘧瑗

以其俱見論語取此五人而削去公夏首等十大觀四年并子思從祀凡七十七人東廡則金鄉侯澹臺滅

隱居通議卷二十七

九 海山仙館叢書

明其首而西廡則單父侯宓不齊其首也歷數之至考城伯戴聖而止其閒如左丘明公羊高穀梁赤荀況伏勝戴聖俱非聖門弟子除顏曾子思當時聖門弟子固惟止七十而已戴聖諸人并萊蕪伯高堂生至晉司徒杜預凡十有七人入宋續增唐昌黎伯韓愈至宋華陽伯張栻凡十人今元朝又新增左丞許衡一人通古今爲九十八人頃余于閩從邵武詣學瞻敬時郡侯廉公命立塑像裝繪一新像設嚴整絕勝諸郡子因計其數目與舊載文字相同如右廉公問子數目是否子答曰

黃鍾商 時號一越調如綠沈栢之類

黃鍾羽 時號黃鍾調如春楊柳之類

中呂商 時號雙調如傾栢樂之類

南呂宮 時號水調如五更轉之類

時號金風調如蘇幕遮之類

律管候氣

北齊神武霸府田曹參軍信都芳世號知音能以管候氣仰觀雲色常與人對話則指天曰孟春之氣至矣人往驗管而飛灰已應每月所候言皆無爽又爲輪扇二

隱居通議卷二十七

十一
海山仙館叢書

十四面籜地中測二十四氣每一氣感則一扇自動佗扇竝住與管灰相應若合符契隋文帝開皇二年遣毛爽及蔡子元于普明等候節氣依古于三重密屋內以木爲案十有二具每取律呂之管隨十二辰置案上以土籜之上平于地中實葭苧之灰以輕緹素覆律口每地氣至與律冥符則灰飛衝素散出于外而氣應有早晚灰飛有多少或初入月其氣卽應或至中下旬閒氣始應者或灰飛出三五夜而盡或終一月纔飛少許者帝異之問牛宏宏對曰灰飛半出爲和氣灰全出爲猛

氣吹灰不能出爲衰氣和氣應者其政平猛氣應者其
臣縱衰氣應者其君暴帝馭之曰臣縱君暴其政不平
非月別而有異也今十二月律于一歲內應不同安得
暴君縱臣若斯之甚宏不能對夫天地之氣隱微深妙
而數子者能以智巧相窺何其神也

音樂應驗

傳曰聲音之道與政通從古而然殆不可曉隋萬寶常
聽太常所奏樂泫然而泣人問其故對曰樂淫厲而哀
天下不久相殺當時四海全盛皆謂不然大業末其言

隱居通議卷二十七

三
海山仙館叢書

卒驗而寶常貧困無人贍遺飢餒將死取所著書焚之
曰何用此爲見者于火中探得僅數卷行世又煬帝將
幸江都有樂工王令言妙達音律令言子當從于戶外
彈胡琵琶作翻安公子曲令言臥室中聞而驚起急呼
其子曰此曲與自早晚對曰頃來有之令言歛衽流涕
謂子曰汝慎無從行帝必不反此曲宮聲往而不反宮
君也吾以是知之帝果被弑于江都

西域人知音

周武帝時有龜茲人曰蘇祇婆從突厥后入中國善胡

琵琶聽其所奏一均之中間有七聲問之則曰父在西域稱爲知音代相傳習調有七種于是以其七調勘校七聲冥若合符乃知人性聰明無分夷夏詎可謂夷人有遜于中國也況所善胡琵琶者又其國俗素習者耶

壘制箎制

世本云壘乃暴辛公所造不知何代人周畿內有暴國

豈其時之人乎爾雅注曰燒土爲之大如鶯子銳上平

底形如稱錘六孔小者如雞子大者曰韶音叫○毛詩何人斯蘇公

刺暴公也箎世本云蘇成公所造舊制云一曰管非也雖不

隱居通議卷二十七

三
海山仙館叢書

知其爲何代人然非舜前之人明矣舜時西王母獻琯則是舜時有之成公安得造箎乎爾雅曰大箎謂之沂注云箎以竹爲之長尺四寸圍三寸一孔上出寸三分名翹橫吹之小者尺二寸廣雅云八孔今有胡吹非雅器也蔡邕月令章句云箎竹也六孔有距橫吹之詩云仲氏吹箎是也今人常言壘箎而不識其制謾著于此嘗見賓退錄言壘箎之箎則竹虎二字之中猶加二撇今寫者多只從竹下繼之以虎卽非字矣考之說文信

然

挽歌之由

魯哀公十一年吳子伐齊將戰齊將公孫夏命其徒歌虞殯孔穎達曰虞殯者謂啟殯將虞之歌也今人言挽歌之由止言漢高帝時齊王田橫自殺其故吏不敢大哭爲歌以寄哀而後代相承以爲挽歌不知其起于春秋也由來久矣

樂歌

六朝樂歌有丁督護二章亦曰丁都護宋武帝長女妻徐達之爲彭城內史被魯軌所殺武帝使內直督護丁

隱居通議卷二十七

齒
海山仙館叢書

昨殯斂之達妻呼昨至閣下自問殯送之事每問輒歎息曰丁都護其聲甚哀後人因其聲廣其曲焉其辭二首一曰督護初征時儂亦惡聞許願作石尤風四面斷行旅二曰黃河流無極洛陽數千里坎軻戎旅閒何由見歡子○又有後闕

凝按郭茂倩樂府詩集宋武帝有丁督護歌五首此所載督護初征時云云乃其一也黃河流無極云云乃梁王金珠所作所謂後人因其聲廣其曲者其說本舊唐書然亦僅載一首云今歌是宋孝武帝所製

與樂府云宋武帝不合督護初征時句唐書又作督
護上征去惜隱居通議後有闕脫公之敘論無由盡
聞也

隱居通議卷二十七

五

海山仙館叢書

隱居通議卷二十七終

隱居通議卷二十八

南豐劉 堦起潛著

造化

兩儀

易有太極是生兩儀儀匹也不曰二儀者二有先後兩
無彼此有相匹之意焉天一地二者乃先後之言爾地
亦惟一而云地二者蓋言下已落第二也李明之衡山
記云朱符謂火著如兩儀不可闕一故不曰二而曰兩
者陰陽互爲用也羅氏路史發明其義乃知兩與二相
似而實有辨

亭毒

人常用亭毒二字而不明其義按路史注云亭蓄其形
毒散其氣此謂天地之初也曰亭毒萬有風行焱逝攷
亭之毒之原出列子俗見習熟以毒義爲不美然易曰
以此毒天下而民從之正猶岐雷兪扁不惟參苓之養
性其劫痼攻積雖烏喙亦所當用何也以毒攻毒有至
仁焉善去兵者不廢師故曰毒天下而民從之吉

天地開闢數

皇極經世書言天地開闢之數實前古聖賢所未及今書其略于後

天地一開一闢謂之一元總計十二萬九千六百年開自寅已至戌戊而後閉開之時凡二百四十星計八萬六千四百年閉自戌至寅已而始開閉之時凡一百二十星計四萬三千二百年自夏禹八年過午至今猶屬午之中上必待滿足一萬八百年然後過未自開闢至今約三萬八千年自今以往猶須過四萬八千四百年

天地有初

衾稠新襲蟣蝨生之洲沼創出蟲魚產焉一氣之初萬物相見故雖天地必有初也按談藪云道言天地初闢一日爲雞二日爲狗三日爲豬四日爲羊五日爲牛六日爲馬七日爲人蓋賤者易生貴者難育故今人以建寅之月一日起至七爲人日謂天地有初其理則然而雞狗羊馬之說蓋先生物以供人之用耳

夫婦所始

元氣所孕始于子立于己子者字之始己者包之始也

自子而推男左行三十而立于己女右去積二十而合之亦在己也陰實從焉是故聖人因此制爲男三十有室女二十有家之禮參天兩地自然之數配也自己而妊之男十月毓于寅女十月毓于申申爲三陰寅爲三陽故年運起焉日生于申月生于庚日月西東夫婦之象申統于寅庚統於甲左右己之合以子將以順性命之理爾又曰男子由戊子推之左行三十丁巳十月至丙寅以土生木也女子由庚子推之右行二十辛巳十月至壬申是金生水也此男女陰陽出于自然子不習數學未究其理姑記于此以待識者

古今一理

古之水火今之水火也今之聲色後之聲色也鳥獸竹木人民好惡以今而見古由此而知來千世之前萬歲之後無以異也此言出于王充充謂有理昧者謂古今殊觀非是

天地毀敗有數

天地及日月時至皆歸盡此語出于無常經物莫不有數雖天地莫能逃也山亡川邕郡陷谷遷沙漠遺舊海

之蹤厓險著蚌螺之甲晉殿破楹昆明劫灰有以見地
嘗屢敗矣土石自天星隕如雨或夜明如晝或越裂崩
地有以見天嘗毀矣宛首道君曰天地運度亦有否終
日月五星亦有虧盈況于人乎此皆路史所載且注云
今西北荒外沙漠閒皆是滄海遺蹟而太行麻姑朱厓
等山險厓石罅皆有螺蚌之殼顏魯公以爲桑田之變
也天地崩裂事史載甚多其最著者

缺

元年十二

月從天西北角至東南或圻裂二百丈或數十丈有聲
如雷山鷄皆叫或見天中宮室之類豈果毀敗有數天

隱居通議卷二十八

四

海山仙館叢書

地莫能逃也建昌城西有石崇觀其石閒有螺蚌殼合
之顏魯公所載信然

魁星移次

淳熙中殿試進士有鄧太史者告周益公魁星臨蜀臚
傳先一日又告夕有震雷魁星自蜀移照吳分及期上
忽以第一卷與第二卷互易之吳人果第一蜀人第二
當時咸奇驗其言此事甚神前輩謂古天官書無魁星
之名今所繪像又與斗魁不同使此星卽斗魁安得移
照分野且移照又先以雷尤爲甚異據鄧之說魁先臨

而起至庚寅春某月日寇乘橋攻南門州兵禦之幸不破城而辛卯又饑特不如丁亥之甚雖不盡應顧亦不免然則災異氣數豈有期焉先定之乎

三元

嘗見歷家有三元甲子之說而不曉上元從何而起近見史書云厯自漢降沿革不同然大抵皆布算積分上求數千歲之前必得十一月朔旦夜半冬至而日月五星皆會于子謂之上元以爲厯始

五行

隱居通議卷二十八

六

海山仙館叢書

卜算家以四方分金木水火而土居中位于四方無所附麗于是寄之于水曰水土長生申水土旺在子水土庫在辰水土敗在酉愚嘗思之土不當寄于水克水者土安可相寄火實生土則火爲土母以子寄母似爲有理此說雖往來胥中未之能決因觀月令注黎兼爲土官止謂祭五官之神于四郊句芒在東祝融后土在南蓐收在酉元冥在北是也實五官而爲四神者火土俱位南方其神皆祀黎又周禮大宗伯注顓頊之子曰黎爲祝融后土食于火土是黎兼二祀也由此觀之則愚

欲以土寄于火似合乎古人之說矣
五色者青赤黃白黑也是爲五方之正色若夫以木克土則青黃合而成綠以金克木則白青合而成碧以火克金則赤白合而成紅以水克火則黑赤合而成紫以土克水則黃黑合而成駢此五方之閒色也

五星聚處

歷家謂明年甲申歲十有二月五星聚斗是爲丑寅之閒按五星緯天躔次不同其聚而同度實難考之前代

隱居通議卷二十八

七

海山仙館叢書

漢高帝時聚東井宋乾德五年聚奎明年甲申聚斗其聚于井實開文景之治其聚于奎實開咸平慶厯之治今聚于斗其應雖未可知然以古今之難逢者一旦會逢其爲禎祥必也自當有驗特未知孰當其應爾史載漢元年冬十月聚井以躔次推之當在六七月之閒宋初翰林學士竇儀與盧多遜楊徽之同朝嘗謂多遜等曰丁卯歲五星聚奎自此天下太平二拾遺見之嚴不及也已而果如其言今聚斗在十二月而歷家又謂來年十二月木星前行斗度數日恐于躔次不合然亦未

知孰是余于歷學不習無以訂其是非然考五星所聚之方多在乾坤艮巽之位并在未申之閒坤位也奎在戌亥之閒乾位也斗在丑寅之閒艮位也然則佗時復聚當在辰巳之閒巽位邪巽位之宿爲角則四聚其在角乎漫記其說如此以待來者○後考淳熙十三年丙午歲八月乙亥日月五星聚于軫惟以乾德丁卯五星聚奎爲瑞至淳熙丙午之聚軫則未有以瑞言者或謂奎聚主文故爲瑞應而軫無可取故不言也然朱張呂陸星聚此時豈曰非瑞乎

隱居通議卷二十八

八

海山仙館叢書

妖孽之名

草木之變曰妖蟲蠃之變曰孽六畜變異謂之禍異物忽生謂之怪氣相傷相逆曰盪已上出玉厯及漢五行志今世俗常談惟曰妖孽曰妖怪然未知其所以命名之義

隱居通議卷二十九

南豐劉堦起潛著

地理

四方之限

溟渤漲洋天地所以限東徼也惡谿沸海天地所以限南徼也陷河懸渡之設乎西瀚海沙子之設乎北天地所以遮西而制北也激瘴霧于東維界黑水于南極泄流沙于西陲決弱水于北滅古文漢天地所以界四維也八荒之內奚有奚無八荒之外何止何極以上見羅泌

隱居通議卷二十九

一

海山仙館叢書

路史中說

惡谿沸海

惡谿在閩多厲毒中者溫屯嘔泄逾者脚輒腐弱其魚多鰐沸海常沸尤多惡魚炎州貢者經之路史之所載如此然予嘗仕閩數年不聞有此也惟聞延平一宣差言常汎南海海水中有火出郭學錄又言嘗見海嘯其海水拔起如山高

西土頭痛山沙子黑水

自屬賓國西行歷大小頭痛山及赤土身熱之阪山在

渠搜之東疏勒之西冬月過者有頭痛身熱吐逆之病
驢畜皆然夏月卽死又經烏柁四百里石懸度山咫尺
之路下臨不測在盤陀西南今葱嶺冬夏有雪卽佛書

所言雪山者

路史說本
漢西域傳

沙子在契丹後彌數千里往者女真旣滅契丹其臣大
石林牙攜其子三晝夜踰沙子立之數十年粘罕不能近
黑水在梁雝間涉者脛黝黑

柳中路伊吾路陷河弱水

裴矩西域記自高昌東南去瓜州千三百里竝沙磧乏

隱居通議卷二十九

二
海山仙館叢書

水草四面茫茫蓋西州之柳中路又有一路自柳中縣
南東行經大海東又東南渡磧入伊州卽裴所謂伊吾
路今奉使者至高昌從武威西北有捷徑度沙磧千餘
里四面茫然不可準記行者唯視人死骸骨及驢駝糞
以爲記大雪卽不得行或見宮宇忽聞歌笑從之者多
不反蓋魑魅所爲也當且末西北沙中夏熱風爲患惟
老駝能知之風將作則駝聚鳴而擁其鼻口否則死今
高昌客旅皆由伊吾道

出陽關至于闐國路經陷河伐檀置中乃得渡也弱水

亦陷河之類羽毛皆沈今川廣之界亦有一小河淖澁而深今古不得渡蓋亦弱也

海外多國

昇明二年倭王奉表條其祖之勳謂東北服者二百九十有六國是固海東之國倭王所服者然其未服之國又幾十百矣支顯西游道其所記數百國此于闐以西之國支顯所知者然其所不知者又幾十百矣智猛法盛之錄曇勇道安之傳蕃王之國不下四五百大延四域之使魏氏四道之賓所奏國數亦不下四五百此世

隱居通議卷二十九

三 海山仙館叢書

所未嘗聞者是數千國俱樂土也則海外之國不勝其多矣

凝按東北二字今路史本作東西

總前路史五段而論則知世閒疆土如此其濶遠也今人惟指中國所統以爲大直井蛙之見耳人豈可以不博覽哉

南陽形勢

往在閩閱艾軒先生林中書

光朝

文集內有一論謂南

陽可都其說甚備失於鈔纂今閱歐陽文載慶厯閒論西事書亦有一論曰臣聞漢高祖入秦不由東關而出

南陽過酈析而入武關曹操等起兵誅董卓亦欲自南陽道丹析而入長安是時張濟又自長安出武關奔南陽則自古用兵往來之境也臣嘗至南陽問其遺老云自鄧西北至長安六七百里今小商賈往往行之初漢高入關其兵十萬夫能容十萬兵之路宜不甚狹而險也然自洛陽建都後行者皆趨東關其路久而遂廢若能按而通之則武昌漢陽郢復襄陽梁洋金商均房光化沿漢之地十一二州之物皆可漕而頓之南陽沿漢之地山多美木近漢之民仰足有餘以造舟車甚不難

隱居通議卷二十九

四
海山仙館叢書

也歐公建明南陽地利之美如此其說與艾軒合然艾軒則以孝皇有志恢復故欲于此建都以北窺中原而歐公則以元昊犯邊欲于此聚餉以應接西事其勢不同其論則一自古雖未嘗建都于此然合二論參考則其地形勢有足取者陳龍川上孝皇書亦言荆襄南陽形勢可都謂東通吳會西連巴蜀南極湖湘北控關洛大意皆相近也

三輔黃圖

三輔黃圖上下二卷不著作書者氏名其載秦漢宮室

苑囿甚備顏師古漢書新注多取焉唐書藝文志有三輔黃圖一卷列于地理類之首亦不言何人作其閒多用應劭漢書集解劭後漢建安時人也至魏人注漢書復引此圖爲據以此考之得非漢魏閒人所作邪卷首一序頗雅潔漫載于左

易曰上古穴居而野處後世聖人易之以宮室上棟下宇以待風雨蓋取諸大壯三代盛時未聞宮室過制秦穆公居西秦以境地多良材始大宮觀戎使由余適秦穆公示以宮觀由余曰使鬼爲之則勞神矣使人爲之

隱居通議卷二十九

五 海山仙館叢書

則苦人矣是則穆公時宮室已壯大矣惠文王初都咸陽取岐雍鉅材新作宮室南臨渭北踰涇至于離宮三百復起阿房未成而亡始皇并滅六國馮藉富強益爲驕侈殫天下財力以事營繕項羽入關燒秦宮闕三月火不滅漢高祖有天下始都長安實曰西京欲其子孫長安都此也 長安本秦之鄉名高祖作都 至武帝承文景菲薄之餘恃邦國阜繁之資土木之役倍秦越舊斤斧之聲舂錘之勞歲月不息蓋騁其邪心以誇天下也昔孔子作春秋築一臺新一門必書于經謹其廢農時奪民力也今

袁采秦漢以來宮殿門闕樓觀池苑在關輔者著于篇
曰三輔黃圖云東都不與焉。子觀此序簡而當質而
不俚非近世所能及也

三輔本是三秦禹貢九州內則雍州也古豐鎬之地平
王東遷以岐豐賜秦襄公至孝公始都咸陽咸陽在九
嶷山渭水北以其山水俱在南故名咸陽秦并天下置
內史以領關中項籍滅秦分其地爲三以章邯司馬欣
董翳爲王謂之三秦故漢高帝入關定三秦也五年高
帝在洛陽婁敬說帝都長安田甯從而贊之有居高屋

隱居通議卷二十九

六

海山仙館叢書

建瓴水之說自是漢始都之初置左右內史武帝太初
元年改內史爲京兆尹與左馮翊右扶風謂之三輔俱
治長安古城中公羊傳曰京大也師衆也天子所居馮
翊注曰馮憑也翊輔也翼輔京師也其地今同州扶持
也助也言助風化在今岐州

始皇三十五年作朝宮于渭南上林苑庭中可受十萬

人車行酒騎行炙千人唱萬人和收天下兵聚咸陽銷

爲鐘鐻古以銅爲兵
故可鑄鐘高三丈銷鋒鐻爲金人十二立于

宮門舊注云鑄金狄
人立阿房宮前坐高三丈董卓悉椎破銅人銅臺

以爲小錢魏明帝欲徙二金人于洛陽載至霸城重不可致留之

阿房宮一曰阿城規恢三百餘里離宮別館彌山跨谷

輦道相屬前殿東西五十步南北五十丈木蘭爲梁磁

石爲門門在阿房前悉以磁石爲之令四夷朝者或有隱甲懷刃卽吸止以示神亦曰卻胡門阿

房宮未成欲更擇令名名之未果以其宮在阿基旁故

天下因謂之阿房宮

望夷宮在涇陽縣界北臨涇水以望北夷故名

未央宮漢初蕭何造高祖見而怒其壯麗者也周回二

隱居通議卷二十九

七 海山仙館叢書

十八里前殿東西五十丈深五十丈高三十五丈武帝

以木蘭爲椽椽椽也文杏爲梁柱金鋪玉戶華榱璧瑄

雕楹玉碣重軒鏤檻青瑣窗也丹墀左城右平城階級也右則乘車

上故使之平左則黃金爲壁帶閒以和氏珍玉風至其

聲玲瓏然也宮內又有金華承明昭陽等殿及麒麟閣

天祿閣金馬門金馬門宦者署武帝得大宛馬以銅鑄像立于署門因名

建章宮在未央宮西長安城外漢武帝造度爲千門萬

戶自宮西跨城沲作飛閣通之正門曰闔闔闔闔本天門而官門

名之以高二十五丈左鳳闕闕上有金鳳高門而官門高二十

像天門餘卽銅鑄鳳也

五丈右神明臺門內起別風闕

以其出于宮垣
識風從何來也

高五十

丈對峙并榦樓高五十丈輦道相屬前殿下視未央宮西漢宮中有百子池戚夫人侍兒賈佩蘭者後出宮爲扶風段儒妻能言在宮中時見戚夫人侍高祖常以趙王如意爲言高帝思之幾半日不能言嘆息悽愴未得其術使夫人擊筑帝歌大風以和之子嘗見盱江李先生賦戚夫人有曰百子池頭一曲春不知其旨今閱黃圖乃見原委如此

漢有飛廉屬玉觀飛廉觀在上林武帝元封二年造飛

隱居通議卷二十九

八

海山仙館叢書

廉者神禽也能致風氣身似鹿頭如雀有角而蛇尾又如豹武帝命以銅鑄置觀上因以爲名屬玉者水鳥似鷓鴣以名觀也又曰屬玉似鴨而大長頸赤目紫紺色石渠閣蕭何造其下礮石爲渠以導水若今御溝因以名閣所藏入關時所得秦圖籍成帝又于此藏祕書天祿閣亦藏書籍所漢宮殿疏云天祿麒麟二閣蕭何造以藏祕書以處賢材也

靈金內府藏太上皇微時一佩刀長三尺上有銘字難識傳云殷高宗伐鬼方時所作上皇游豐沛山中寓居

窮谷有人冶鑄上皇息其旁問鑄何器工者笑曰爲天子鑄劍慎勿言曰得公佩劍雜而冶之卽成神器可克定天下昴星精爲輔佐木衰火盛此爲異兆上皇解匕首投爐中鑄成劍殺三牲以釁祭之工問何時得此上皇曰秦昭襄王時子行陌上一野人授子云是殷時靈物工卽持劍授上皇上皇以賜高祖高祖佩之斬白蛇者也及定天下藏于寶庫守藏者見白氣如雲出戶狀如龍蛇呂后改庫名曰靈金藏惠帝以此庫貯禁兵器名曰靈金內府

世人常言高祖起布衣提三尺劍以取天下不知劍之所始乃如此

隱居通議卷二十九

九

海山仙館叢書

霸橋在長安東跨水作橋漢人送客至此橋折柳贈別

世人常用折柳送別事不知出此

唐玉維詩蓋本此也遂爲故事

宮殿觀闕之盛肇于秦而繼以漢舉其最則秦有朝宮阿房漢有未央建章以高言輒曰五十丈三十五丈或二十五丈以深廣言輒曰東西五十步南北五十丈或東西五十丈深五十丈以規恢延袤言輒曰三百餘里少亦二十八里或曰可坐萬人或曰庭中可坐十萬人或跨渭而造石橋或跨城池作飛閣輦道大槩極土木之工始之于秦穆公惠文王大之于始皇尤而效之者

蕭何又甚焉者漢武也計其壯鉅雄峙摩雲霄而倚日月雖傷財害民不免怨讎然遐想氣象其能致此亦真丈夫之雄也惜夫興替不常古今同盡乃固有巍巍千載者不旋踵而化爲游塵蕩爲冷風潘安仁西征賦有曰所謂尙冠修成北煥南平皆里名皆夷漫蕩滌無其處而有其名爾乃階長樂登未央汎大液凌建章又曰驚雉雥于臺陂狐兔窟于殿傍又曰洪鐘頓于毀廟榭風廢而不懸禁省鞠爲茂草金狄遷于霸川悲夫英雄之建立乃如斯而已乎子嘗欲一游終南之山渡灞澹之水弔秦漢之故都而物色其遺跡今南北混一踰四十年兆足以行而予又老矣鄉里非無客京兆者京兆之人非無與余交者及詢訪往古俱不能知蓋其愚俗懵學故不能通知古今也姑述此以志子懷古之恨若夫陳之臨春結綺隋之西苑唐之華清宋之艮嶽是又不過供游宴之娛非若秦以壯大夸西戎漢以用麗重威武者也無足道矣

隱居通議卷二十九

十

海山仙館叢書

新豐建立

史載漢高祖沛豐邑中陽里人也既定天下西都長安

而太上皇不樂關中思慕鄉里高祖爲徙豐沛屠兒酤酒煮餅商人立爲新豐并徙舊社放犬羊鷄鴨于通衢亦競識其家似此卽是仿效故豐街巷市并民居也一遷徙閒多少事節雖足以悅其父而不免于勞其民矣然此樣子則古所無之後世不再有之亦奇事也

袁廣漢園池

茂陵富民袁廣漢藏鏹鉅萬家僮八九百人于北山下築園東西四里南北五里激流水注其中壘石爲山高十餘丈連延數里養白鸚鵡紫鴛鴦犛牛青兕奇獸珍

隱居通議卷二十九

十一

海山仙館叢書

禽充積其閒積沙爲洲嶼激水爲波致江濤海鶴孕雛產穀延漫林池屋皆裘回連屬重閣脩廊行不能徧也廣漢後有罪誅沒入爲官園鳥獸花木皆移入上林苑中悲夫廣漢真愚人也己夫以漢武之爲人百世之下閱史冊猶知其非能容物者彼方修建宮苑夸示四夷一富民乃欲與之敵帝豈能平邪其取誅滅宜也近代韓侂胄修圃甚麗後亦沒官然事體卻不同

川江圖

予六十年前見蜀人李宰所藏長江萬里圖起岷州訖

浙江海門山川城郭歷歷可翫惜不復觀今黃德英示以蜀江圖一卷廣踰半尺長四丈餘其閒惟畫蜀江起威州訖公安而止不得如舊圖之抵海門也謾記大略以見沂蜀之艱險云自公安縣沙市而西卽江陵府治江北而荆門軍治江南有黃牛峽有鹿角灘歷巴東峽口卽峽州治江北有人鮮饗有江心烏龍石進卽石首縣治江南又進卽歸州治江南有巫峽有楚王樓有巫山十二峯有宋玉亭皆南岸也又進卽巫山縣治江南有杜甫草堂進爲夔州有白帝城有八陳圖有瞿唐峽

隱居通議卷二十九

三

海山仙館叢書

灑潁堆雲安縣治江北而萬州忠州皆治江南歷清江縣至遂寧府重慶府及酆都縣亦治江南有酆都寺有酆都觀又歷涪州恭州而上則瀘州亦俱治江南前進敘州乃治江北有馬湖江有大小烏龍山又進則嘉定府治江南有九樓佛閣則在江北遂爲眉州亦治江北有蛾眉山有秦楚樓有芳草渡有萬里橋則俱在江南由眉而進則成都府治江南而永康軍則在江北有三十六峯在江南南爲青城縣有青城山有玉女關有玉壘關有七盤山至威州治江南止矣一卷之圖首尾如

此予跋其後曰右潁川德英父所藏蜀江圖也廣僅半尺脩踰四丈西起威州東訖江陵凡跨十有八郡其間山川城壘人物聚落仙宮梵宇風颿浪舶歷歷在眼往年德英曾示此圖一軸予固賞愛爲賦詩今閱此卷更自精工彌使人賞愛不已真奇筆也憶少日閱輿地志極愛西蜀風景形勢銳欲溯巫峽闕劔門周視古英雄爭戰處稍慰胸中之奇願蹉跎浸老付來生矣展翫傷懷因寄一嘆并載前詩曰誰貌坤維入畫圖東西川合匯荆湖金湯夾岸提封接玉帛連檣貢賦輸劔閣幾煩

隱居通議卷二十九

三 海山仙館叢書

豪傑夢錦城曾是帝王都如今混一兵爭息見說煙花

漸似吳

疑案泯稟題跋
內所載稍異

十二峯名

巫山十二峯口習耳聞熟矣終未悉其何名今因蜀江圖所載始得其詳曰獨秀曰筆峯曰集仙曰起雲曰登龍曰望霞曰聚鶴曰棲鳳曰翠屏曰盤龍曰松蠻曰仙人予因彙括成句曰筆峯獨秀集仙起雲登龍望霞盤龍翠屏聚鶴棲鳳松蠻仙人總爲六句聊便記覽耳山在歸州乃川江之南岸見者謂十二峯元不聯屬往往

側足然後能進非其土人罕不蹟也其谿行則水皆自
高瀉下石錯出其閒如林立如士騎滿野千里下上不
見首尾水行其隙閒或衡縮繆掾或逆走旁射其狀若
蚓結若蟲鏤其旋若輪其激若矢舟游沿者役便利失
豪分輒破溺雖其土長川居之人非生而習水事者不
敢以舟楫自任也其水陸之險如此漢嘗處其衆江淮
之閒而虛其地蓋以其陜多阻豈虛也哉云云朱文公
嘗愛會文以爲嚴健有法此語信然近學錄鄭見獨爲
予言道山亭記豐碑鉅刻巍然猶存鄭三山人也故知

隱居通議卷二十九

五

海山仙館叢書

之他日有便至其地當命匠致墨本歸鄉里示親朋庶
猶可想見鄉先達之萬一云

前代軍壘

秦隴封建易爲郡郡置守漢因之國皆爲郡更曰太守
至隋廢郡置州唐世天下俱爲州改太守曰刺史宋又
改曰知某軍州事此其大略俱可曉也獨有數小壘名
之曰軍者未悟其義而其治所又多在各道接壤去處
如建昌軍邵武軍則江西福建界上也如南安軍則江
西廣東界上也如江陰軍則浙西之盡頭如廣德軍則

江東之盡頭如桂陽軍武岡軍則湖南之沿界豈非當時諸州地里闊遠綏御不及故于接境聚軍以控扼之其初不過營壘久則因以軍爲名且從而例視若州府之類矣夫軍之字義與州府郡邑不同流俗承譌併失字義遂真以軍爲郡不亦謬乎以軍爲郡不記始于何朝而建昌志曰南唐元名建武軍入宋始改建昌則軍之初也豈五代時邪其閒有臨江軍則居江西之腹興化軍則處閩海之濱茶陵軍亦在湖南內地

今考之亦接吉安界

又不盡居接境處又是一例宋時仕宦應得郡而資淺

隱居通議卷二十九

六

海山仙館叢書

者未授以州府首命爲知軍而軍之地望亦自不等如南安軍在江西窮處國小地狹而地望乃特重爲守臣者率年歲陞遷爲部使者如提刑提舉之類其平遷亦得佳郡蓋以郡當東廣之衝地有蠻峒之擾苟撫治有功則因優之也景定庚申梅知軍鼎徑除江西提刑後趙知軍孟適段知軍浚皆擢守建昌其餘諸軍則未之聞也而宋時雄藩大鎮又自別有軍號如杭州曰寧海軍紹興曰鎮東軍溫州曰應道軍婺州曰寧遠軍嚴州曰遂安軍平江曰平江軍建康曰建康軍揚州曰淮南

軍龍興曰鎮南軍贛曰昭信軍建寧府曰建寧軍泉州曰平海軍如此者不盡記每軍皆設節度使官一品其地則謂之節鎮節度使止遙授請厚俸而不親臨其郡非若唐代淄青廬龍宣武等處節度則真有其地統其軍跋扈難制至于篡逆也未制節度使官儀甚盛其家建巍樓植纛其中有黃幡豹尾之屬名之曰節樓又祀神名之曰節神其節度使每出則千兵擁衛捧節前驅見者避路有令曰衝節者斬然所統軍卒則咸無焉

天齊

隱居通議卷二十九

七

海山仙館叢書

封禪書載秦始皇祀入神一曰天主祠天齊天齊淵水也居臨菑南郊山下注引解道彪齊記云臨菑城南有天齊五泉竝出有異于常言如天之腹臍也又曰齊所以名爲齊以天齊也注曰當天中中齊愚嘗于前卷略議之疑案前卷今逸不存今詳具其說如此乃知衝華嵩恆俱稱某天某天而東嶽獨稱天齊有以也當天之中故祀天主與地主不同

不夜城

不夜乃古縣名齊記云古有日夜出見于齊東境故萊子之城以不夜爲名

市井

子嘗疑世稱市井二字無義按史記正義曰古人未有市若朝聚井汲水便將貨物于井邊買賣故言市井乃知舊所疑不差

九河之名

徒駭太史馬頰覆釜胡蘇簡潔鉤盤鬲津

陽關

唐王維送元二使安西詩曰渭城朝雨裊輕塵客舍青

青柳色新勸君更盡一杯酒西出陽關無故人後知音

隱居通議卷二十九

大

海山仙館叢書

者以此詩作三疊聲歌之子初不考陽關在何許意疑至門關左右及見五代晉高居誨奉使于闐記所載乃知陽關去玉關尙遠其略曰自靈州過黃河行三十里始涉沙入黨項界行四百餘里至黑堡沙沙尤廣遂登沙嶺卽黨項牙也渡白亭河至涼州又西行五百里至甘州卽回鶻牙也自甘州西始涉磧磧無水載水以行甘人教晉使者作馬蹏木澀木澀四竅馬蹏亦鑿四竅綴之乃可行西北五百里至肅州渡金河西百里出天門關又西百里出玉門關經吐蕃界西至瓜州沙州二

州多中國人瓜州南十里有鳴沙山云冬夏殷殷有聲如雷云禹貢流沙也又東南十里三危山云三苗所竄也其西渡都鄉河曰陽關云由是觀之則玉門關距雲州近二千里又歷瓜州沙州而後至陽關渡又遠數百里矣江南人望張掖酒泉已覺縣遠而班超云臣不敢復望至酒泉郡止願生入玉門關則其遠于酒泉可知已陽關又遠于玉門宜其謂西出陽關無故人也安西在陽關之外知又幾里今日甘肅置行省可見提封之廣識者謂天下地理惟西最廣恐或如此

音律中有甘州涼州伊州海山仙館叢書

隱居通議卷二十九

五

曲

尾閘

宏齋先生包樞相嘗言昔爲台州通判日州連東海遙望海洋中有漩渦至數十疑卽所謂尾閘也予每欲質其事而無由至大庚戌辛亥閒石塘胡汲仲長孺爲台州寧海主簿縣正與海接予與石塘公厚因以宏齋舊說叩之今得其回書云寧海在台東境距平陽嶺海七百里距鄞爲近其又東境卽大海舟人所不敢涉惟冬則釣船行二程輒止相傳其東則鬼國水勢流下雖潮

生時亦不可上恐是尾閭處也宏齋謂見有十數渦則某所未見也汲仲之所報如此予以嗜古好奇之故博徵異聞于所親歷者然猶不能究尾閭之實則據紙上而妄談者何足道哉

洗馬池

江西龍興市心有一方池臨街綠衣泓激名曰洗馬池不悟其義近聞一人云古有姓李者仕爲太子洗馬居此地故得名然洗馬之洗本音鮮非音徒也豈俗不識字故傳譌邪子去年到龍興乃見已爲民居障蔽不復

隱居通議卷二十九

三

海山仙館叢書

得見矣

去年乃至大辛亥○疑案注云去年乃至大辛亥時公年七旬有二明年爲皇慶元年壬子時

公年七旬有三則在延平矣南昌府宋爲隆興病元改龍興路通議元時所作故隆

隱居通議卷三十

南豐劉堦起潛著

鬼神

目擊三怪

神怪之事吾素不信但卽今數事乃吾目擊而身親者殊未有以自解南豐石仙觀之前有巨樟一株世傳宋咸平辛丑歲有方士冷道者在彼修煉一日叱木使開則木腹中虛因入其中坐化而逝木久生合里人相傳以爲神後治平丙午令公胡若者不信斧而驗之則見

隱居通議卷三十

一
海山仙館叢書

道者兀然而坐儼然如生欲後來取信傳以塑繪焉自是歷二百年木不復合予親見所斧木竅長盈尺闊數寸中虛而枝葉茂冷道者兀坐猶故也心竊怪之越寶祐癸丑寒食後一日大風拔木木雖仆而冷道者猶兀坐木根之上屹無所傷屋而覆之至今猶存此不可解者一也豐之軍山險峻倚天號江南絕頂上有石室洞浮丘王郭三真君曰三仙禱祀者歸焉時見雲霧滃鬱中有光如日暈大如車輪鄉人稱曰圓光光中見三仙冠服貌像隱隱可辨其飛行翕忽或升或沈頃刻不見

此不可解者二也咸淳癸酉歲余家盱城中聞南豐母
舅家爲鬼所侮每當昏時有聲歘然于屋前後或窗櫺
或庖漏環繞而鳴老幼皆縮頸滅燭噤不敢聲達旦乃
已明日復然如是者踰半年已而於氏病且死子聞訃
往弔將就寢忽聞鬼聲去臥榻三五尺去地僅二尺且
行且鳴子叱之不止已而其聲或遠或近予亦困且睡
矣禮畢余逆反盱城後乃聞其聲漸息而舅家亦遷別
居越三載北兵薄盱城下子奉親還南豐無所于居因
假舅氏舊館寓焉則昔之鬼聲無聞矣每獨坐至夜分

隱居通議卷三十

二
海山仙館叢書

亦汔寂然未幾此屋遭兵燬蕩盡然當時何其怪也此
不可解者三也神鬼有無當必有知者今紀目擊身親
者如此

雷神顯應

趙倅良驂言宋時仕潭州一日迅雷擊壽星觀碎鴟吻
道士見雷神青面緋衣裹回檐閒久之始去後乃知鴟
吻中有真詰神取出之置于道寮窗內卓子上其裹回
者疑一時未定置頓之所也

鄰寺林長老自衛言至元十九年隨其師曰湖山僧錄

者寓吉州一日雷震報恩寺寺有八難觀音堂堂皆涌
壁雷繞其閒久不止有僧判甘城卜者胡人用本俗法
披紅禪衣誦一番呪語以米五斗撒之雷乃去擊其寺
門而散雷神悉取涌壁上觀音像及從神等移置案上
而于涌壁之後搜擊柱木皆碎凡佛像無一損者

吾州梓源李規可圓孫有子因事微忤規可明日規可
出州訴之行至黃沙坪衆勸以反乃拜天訴子抵家以
原詞竈中焚之未幾其子人州行至父所拜處迅雷一
聲殛死衣裳破裂如絲是日也予在郡庠講堂聚話竊

隱居通議卷三十

三
海山仙館叢書

怪劈歷非常已乃聞震死其子有至元鈔三百文兩張
在身雷火不焚朱墨煥然

秋麓叔父鏗嘗言京源曾氏有婢常棄糲米穀于糞壤
往往不加愛惜或勸止不從一日婢正撒米穀忽雷火
焚婢自頂至踵炮其半體餘半體無所傷幸不死蓋亦
憐其愚而警之

羅濟翁公讓言其鄉中有職役人二其一純實其一凶
狡純實者因某事聚少米其凶狡者緣怒悉以米棄溝
瀆中狼籍滿地純實者勸之不從一日二人同行暴風

急雨忽至雷電隨之漸覺晦冥二人者將避之而無其所遙望前途有社林焉擬造樹下避雨既至則見社林中有數人若吏卒或衣緋青或黃帕首急禽凶狡者粹之俄有一人若功曹然張幃幕及榜挂之命左右扶純實者去且令勿損其身俄迅雷一聲俱無所見惟見凶狡者橫屍在地此人惟頭髮被焚病啞三日而後能言所遇如此

吾州之東某里有耕夫某一日出外惟母在家舂米耕夫有子尚幼偶戲白中不覺確墜竟舂死其子素狠母

隱居通議卷三十

四 海山仙館叢書

懼其歸見孫兒以舂死必怒也走某家避之其子歸見其然不言而淬礪一斧藏腰間密往求其母得之某家邀母歸將甘心焉行至中途風雨陡暗迅雷一聲殛其子死而母沈全雷霆于佗事或恕惟不孝于親及不惜米穀二事考罰甚嚴蓋報應屢顯豈非天條所禁二事尤重邪丁丑年州前米戶某因忿詬棄米殛死今年甲辰歲重五節日北郭黃某之婦忤舅姑忽雷大震繞其家煙火滿室其婦焚髮而竄屋亦旋燬幸免殛死耳父母生我者也五穀養我者也造物蓋于二事獨重重生養也

大乾夢錄

子幼獲觀大乾夢錄一冊載隋溫陵太守歐陽公祐洛陽人仕閩授代歸自經邵武光澤之大乾愛其山水清秀盤桓久之已而舟溺夫婦俱死焉後人葬于其地久之發靈廟食累受封爵為王宋時士人應舉者求夢多應好事者輯之曰夢錄世變以來文籍散失子不見此錄數十年皇慶癸丑宦于劔津鄰人詹翠屏出示新刊實錄視舊增倍因借觀之而摘其可存者漫記于後

王居西京洛陽河南府洛陽縣水南東地名福善坡東

隱居通議卷三十

海山仙館叢書

有會仙樓南對瓦子門西抵鐵器市北有會景樓王以缺月五日生娶崔氏缺

隋恭帝義寧二年始立歐陽太守之廟缺

唐僖宗文德二年始受龍湖禪師戒斷血食缺

宋仁宗缺元年始封通應侯元豐五年進封祐民公

崇寧缺額曰惠應廟政和六年封廣祐王紹興缺

廣祐王紹興十三年封明應威信廣祐王缺

明應威信廣祐福善王嘉熙中換封缺

福善王寶祐中又換明應威聖英惠福善王

缺

明烈威聖文惠福善王

唐僖宗少子得道于石霜和尚自湖南來邵武入龍湖
建道場號圓覺大師名普聞實有戒行見廟下烹殺甚
衆師憫焉爲偈曰悟道不同死死中生不忘虎用無心
伏人來與惠降殺生及死祀輪回萬劫殃爲報人天界
無遮福最強欲種多生果修齋勸大王昔年地獄裏今
日作天堂是夕里老夢神云我已受圓覺禪師戒後祀
我當如比丘飯足矣至今遵之自立廟歷二百七十
一年而後斷血食
古碑載王守泉州滿歸假道邵武維舟大乾谿渚偕夫

隱居通議卷三十

六 海山仙館叢書

人崔氏蹤觀山川秀麗誓曰此福地可廟食復次舟行
數里風浪掀作覆舟舉家陷溺公與夫人屍存涯涘遂
沿流至于生前所誓廟食處鄉人驚異送其屍東下津
流二十里明晨逆流又至所止處鄉人復津送加以里
數翊旦又至所止處或謂斯乃賢哲人率衆備儀葬于
山閒越十年凶荒疫癘民始崇禱建廟塑像

劉侍郎岑作郡城熙春臺別廟祀有惠應神徐端修自
吳中來過建昌訪道士王文卿文卿授五雷法能致雷
兩道行甚著因語徐曰邵武頃大旱子拜表至帝所見

所謂惠應神叩王陛爲民請甚力帝諭若不許然神具言其州窮且瘠民不可一日無穀詞甚懇切乃得請而

歲有秋岑聞是語心敬焉

文卿卽王侍宸

實錄載邵武自宋代紹定庚寅之變比歲不靜端平甲午歲金華王子文埜爲守與寓公率士民迎福善王就郡治建黃籙醮邀龍虎山張天師至時寓公杜子所臬與祠家居與王守同主醮事命道士林逍遙拜章初拜未得達逍遙行持再往遂伏地不起自己至申州前忽雨天花一城競觀空中繽紛墜地卽不見盛以衣裾亦

隱居通議卷三十

七
海山仙館叢書

無有踰時乃止久之林方起喜色滿面謂衆人曰適到天門遇福善王云已得請于帝子可回矣具言上帝以邵武醮事精虔特賜邵武太平四十年兩齋官皆得厚賞自是郡果寧息生齒日繁後王公仕至端明殿學士簽書樞密院事杜公仕至吏部尙書贈少師逮咸淳某歲黃廖二峒盜起寓公相與議曰四十年之期已過盍再建黃籙懇之于神衆推國子監

缺 吳某與

缺 大

夫杜伯堂蕪主之蓋伯堂乃子所尙書之

缺

觀命道士謝某拜章旣起徑入治靖色密語謂杜吳二

公曰適得報邵武當有大厄上帝已命福善王往芙蓉城去矣二十年方反殊可憂也中夜焚詞羣鴉喧噪衆失色明年兵禍果作丙子後盜屢犯城無寧歲大乾祠祀亦弛至元辛卯汀寇鍾明亮平後民始漸安香火繼盛而邵武亦粗復承平之舊焉天琴事乃黃某說方雨時親見之芙蓉城當時杜吳二公祕不言獨私告在軒黃公紹未幾二公捐館後在軒始與先人言蓋乙酉正月也

頃甲戌乙亥閒盱友易雪厓仲信往大乾叩國祚夢王者冕服相迎止云不忍言未幾革命

神怪窈冥

隱居通議卷三十

八

海山仙館叢書

神怪窈冥之事知道者不言且不信謂其害道也然亦有不可以理曉者如洪都之鐵柱上清之仙巖軍峯之圓光西湖之飛來峯與夫廬阜天池則見普賢天燈西蜀峨眉則見文殊天燈皆彰彰在人目烏得以爲誣邪豈古亦有之特智者不言歟怪力亂神夫子不語耳而不曰無也然佛法自漢方人中國則廬山峨眉之天燈其亦古有之歟抑山嶽鍾靈光景異常而後之佞佛者遷就以神其教歟予又聞長老言州西門石背有王姓家建大醮醮之夜有神空中語云醮事甚虔但作羊屎

臭爾或以告之王王甚不滿窮詰其故乃是日炊齋而薪不足急毀羊圈木足之王由是震懼欲重建醮累歲齋潔疲精竭誠雖麩麥亦別畦以種不加糞穢復建醮事至中夜忽見馬靈官自虛空降入醮筵巡行一徧謂王曰上帝念汝至誠遣吾一視俄去不見又聞鄉里前街汪姓者因田地事建大醮其館客謬青詞有曰茫茫九土盡入吾疆醮之夜館客坐于門彷彿見大街一將更乘馬自東來至前曰茫茫九土是何等語手摑其面俄不見客自是頭不正是觀之則此事真不無邪傳曰明則有禮樂幽則有鬼神以鬼神對禮樂而言其真有邪要之識者不必詰有無唯當修身謹行孝弟忠信以無媿對越而已象山先生陸文安公守荆門日罷設上元醮有榜文曰此心若正無不是福此心若邪無不是禍嗚呼盡之矣

土神誥詞

庚子五月因觀江漲至五通廟忽憶兒時見將軍誥詞

一軸乃宋封周將軍爲宣缺侯者也今其軸雖不存中

閨一聯最佳云漢將軍有功得封缺

記其時某人當制也又記里中軍山神加封
仁顯二字誥詞有曰能博其施斯之謂仁有赫厥靈於
乎不顯語意俱到今刻石西門廟中

德祐拜章不達

沈德載言德祐危急時慈元命上清宮鄧道士拜章祈
天永命道士伏地凡四日始寤曰章不得達也亦不得
近天門止于剛風浩氣閒端跪以俟久之遙望祖師舉
手麾之曰不可于是乃還已而果然

天師退潮

隱居通議卷三十

十 海山仙館叢書

宋理宗時浙江潮溢犯杭都久不退朝野危之有旨召
天師邵潮時三十五代天師則觀妙真人可大也既至
而潮退理宗大喜加封錫賚甚侈聞之是年實以四月
十三日策功今大德二年戊戌歲春潮犯鹽官州漫溢
百餘里所損不可勝計漸逼城市久之不退父老援宋
事請于江浙行省宜迎天師退潮今三十八代天師則
凝神廣教真人與材也省命父老來迎且奏聞于朝使
者至真人以其禮聘不莊汙不爲動卒辭行而遣宮中
道士持鐵符往治之既至鹽官州行李叢雜姑以鐵符

插水濱忽波濤洶涌若有神護之者道士喜乃易法服持符登舟衆人羣擁聚觀簇立堤岸遙見彷彿有金甲神者立于空中道士行法籙鐵符符躍波面者數回而後沈沒頃之天色晦冥劈歷一聲越數日乃見于別處擁起沙堆十數里于其上得一物似鼃大如車輪介而三足蓋所謂能也取而剖其半入朝以其半入上清宮表顯其事方道士行後朝命奉御偕某官來真人以君命乃行亦四月十三日人皆異之真人至行省而妖已除乃作醮事又築堤建祖師正一真君殿以鎮之

隱居通議卷三十

土
海山仙館叢書

朱張福業

浙西朱張二豪本樵夫乘乙亥丙子革命時南北雲擾入海嘯聚剽劫所殺略皆富商巨舶由是大獲致貨產珍貨無與比官皆宣慰參政而朱尤豪旣豐溢卽思善果往往捐金佞佛勅寺建像極侈一日在金陵適張天師應詔經從朱建大醮祈張行持且請召神降筆以下休咎張令設黃幃帳懸鸞筆俾朱默禱久之筆墜啟視書云積福如山造業如坑推倒福山填不得業坑未大駭懼人以爲名言不數年果敗死家屬物產俱沒入官

世言湯武逆取而順守傳曰若晉取虞而明德以薦馨
香神其吐之乎是以順守之意然而非也既以逆取違
天多矣其能守乎殺人取財冤氣貫日乃欲以不義之
賞媚佛求救吾不知數椽之寺舍數堆之泥像而可贖
彌天滔海之罪邪佛固仁慈然視衆生平等亦豈肯爲
逋逃主而使冤死者不少吐氣哉朱張伏誅豈神不救
夫子曰仁者能好人能惡人噫神真能仁矣

隱居通議卷三十

十三

海山仙館叢書

隱居通議卷三十一

南豐劉堦起潛著

雜錄

折獄龜鑑

高宗紹興三年降詔恤刑戒飭中外俾務哀矜時有承直郎鄭克明爲湖南提刑司幹官因閱和凝疑獄集嘉其用心乃分類其事自釋冤辨誣至嚴明矜謹凡十二門易舊名曰折獄龜鑑所載皆古事亦多有不切可刪者然有數事增人智議爰摘錄之

隱居通議卷三十一

一 海山仙館叢書

釋冤門載唐李勉鎮鳳翔有耕人得馬蹄金一囊送縣爲令者慮公藏守不謹收置私室翼日開視皆土塊耳令以狀聞府遣掾按之不能自明誣服換金初云藏之糞壤被人竊去後云投之水中失其所在雖未窮易用之所而皆以爲換金無疑時袁滋在幕府獨疑其枉勉乃移獄付滋鞠之滋閱囊閒得二百五十餘塊詰其初獲者則二人以巨竹昇至縣滋乃于市肆借金依塊形狀鏐寫校量始稱其半已及三百斤盡計大數非二人以竹擔可舉乃知在路之時金已化土矣令乃獲雪

出康

駢劇
談錄

辨誣門載唐李靖爲岐州刺史有希旨告靖謀反者高祖命一御史往按之且曰李靖反狀實便可處分御史知其誣罔請與告事者偕行行數驛御史佯失告狀驚懼異常鞭撻行典乃祈告事者曰李靖反狀分明親奉聖旨今失告狀罪在我矣幸救某命告事者乃別疏告狀與之御史驗其狀與元狀不同卽日還京以聞告事者伏誅

又載李德裕鎮浙西有甘露寺主僧訴交割常住物數

隱居通議卷三十一

二
海山仙館叢書

內被前知事僧沒金若干兩引前數輩爲證遞相交付文籍在焉鞠其僧已服盜取之罪未窮破用之所德裕疑其非實僧乃訴冤曰本寺積年止有文書墜載分兩交承其實無金衆人以某孤立不狎流俗欲乘此擠之德裕惻然曰此不難知也乃以兒子數乘命于連僧人入對悉坐之兜于中門皆向壁母得相見各與黃泥令模作前後交付下次金形狀以憑證據而形狀皆不同乃劾其誣一一服罪

議罪門載漢景帝時廷尉上囚有防年繼母陳殺防年

父防年因殺陳依律殺母以大逆論帝疑之武帝時爲太子在帝側遂問之對曰繼母如母明不及母緣父之故得比于母今繼母無狀手殺其父則下手之日母恩已絕宜與殺人同不當以大逆論

又載漢宣帝時燕代閒有三男子共娶一女而生一子及將分離爭子興訟丞相黃霸斷之曰此非人類當以禽獸處之遂戮三男以子還母

又載元帝時王尊守槐里令兼行美陽令事美陽婦人告其假子不孝曰兒嘗以我爲妻妬咎我尊遣吏收捕

隱居通議卷三十一

三
海山仙館叢書

驗問辭服尊曰律無妻母之法聖人所不忍書此經所謂造獄者也

顏師古說歐陽尚書有造獄事謂非常刑各造殺戮之法

尊于是出坐

廷上取不孝子挂磔著木使騎吏五人張弓射殺之

又唐徐有功爲司刑丞時有韓純孝者受徐敬業僞官前已物故推事使顧仲瑛奏稱家口合緣坐詔依斷籍沒有功議曰律謀反者斬身亡卽無斬法若情狀難捨或敕遣戮屍餘非此塗理絕言象緣坐元因處斬無斬豈合相緣旣所緣之人亡則所因之罪滅滅止徒坐頻會赦恩今日卽斷沒官未知據何條例詔依有功議斷

放由是免籍沒者數百家

又杜鎬侍郎兄仕江南爲法官嘗有子毀父畫像訟未能決鎬尙幼輒曰僧道毀天尊佛像可以比也兄甚奇之

又邢州有盜殺一家其夫婦卽時死有一子明日乃死州司以其家財產依戶口絕法給出嫁親女刑曹駁曰父母死時其子尙在卽財產乃子物所謂出嫁親女乃係出嫁姊妹不合有分

懲惡門載孫沔知杭州有丐者左臂無一手右臂惟兩

隱居通議卷三十一

四 海山仙館叢書

指盜細民鑊相競至庭丐者舉臂泣曰細民誣我我無手人豈能盜鑊沔卽然之叱細民出撫勞丐者因子以鑊始弗敢受再三安慰丐者不悟也以指撮鑊徐以臂舉戴于首而去沔追還斷其指令于市

摘姦門後魏李崇爲揚州刺史部民苟泰有子三歲失之後見在郭奉伯家各稱己子竝有鄰證官不能決崇乃令二父與兒各別禁數日忽遣吏謂曰兒已暴死可出舉哀泰聞之悲泣不自勝奉伯嗟嘆而已殊無痛意遂以兒還泰

鉤隱門唐張允濟初仕隋爲武陽令鄰邑有民以犝牛
依妻家數年孳生十餘犢及將異居妻家不與本縣不
能決乃詣武陽訴之允濟曰爾自有令長何至此也民
垂泣言所以然允濟遂令左右縛牛主蒙其首詣妻家
村中云捕盜牛者盡召集村中牛質所從來妻家遽指
所訊云此是女壻家牛不知來處允濟發蒙曰此是女
壻可以牛歸之妻家驚服

又一事相類者王恭戍邊畱犝牛六頭于舅李璡家養
五年產犢三十頭恭還索牛舅曰犝牛二頭已死當還

隱居通議卷三十一

五

海山仙館叢書

四頭老犝餘非汝牛所生恭訴于縣縣令裴子雲以恭
付獄追盜牛賊李璡璡皇怖而至子雲叱責曰賊引汝
同盜牛三十頭藏汝莊內璡不伏喚賊對辭乃以布衫
蒙頭立南墻下璡急吐款云三十頭牛是外甥犝牛所
生非盜得也子雲令除恭頭布衫璡驚曰此是外甥子
雲曰是卽還牛更欲何語璡默然復謂璡曰五年養牛
辛苦特與五頭餘並還恭聞者歎服

又唐江陰令趙和咸通初以折獄著聲淮陰有二農夫
比莊通家東隣嘗以莊契質于西鄰後當收贖先入八

百千自恃密熟不取文證再齎餘鏹至西鄰遂不認東鄰訴于縣于州皆不得直遂越界訴于江陰和曰縣政甚卑何以奉雪東鄰泣曰至此不得理則無處伸訴矣問爾果不妄否曰焉敢誣乃召捕賊人齎牒淮陰云有劫江賊按鞫已具其同惡在某處姓名狀貌悉以西鄰指之請梏付差去人西鄰自恃無迹不懼也至則械于庭和厲聲詰之囚泣訴其枉和曰事蹟甚明尙敢抵諱所劫之物藏汝莊中皆可推驗汝具籍貲產以辨之囚不虞東鄰之越訴也乃具折穀若干莊客某人者細絹若干家機所出者錢若干東鄰贖契者和復審問乃謂曰汝固非劫江賊然何得隱諱東鄰贖契錢入百千遂引其人對證乃慙服梏回本縣牒請檢付契書復置之于法

隱居通議卷三十一

六

海山仙館叢書

又章舉爲句章令有妻殺夫放火焚舍稱火燒夫死夫家訴官妻不服舉乃取猪二口一殺之一活之而積薪焚之活者口中有灰殺者口中無灰因驗屍口果無灰乃服罪

又南方有僞裝毆傷痕者以檉柳塗膚則赤如毆水洗

不脫然識者亦能辨之蓋真毆傷者血聚則硬僞者則否

又侯臨爲東陽令時他邑有民因分財產寄物嫻家遂被諱匿屢訴弗得直聞臨治聲越境求伸臨曰吾與汝異封法難以治止令具物之名件而去後半年縣獲強盜因蹤令妄亂供通有賊寄某家移文捕至下獄引問其人泣訴盜所供金帛皆親黨所寄者臨卽追元告民識認盡以還之人服其神

夾漈通志

隱居通議卷三十一

七
海山仙館叢書

余自少聞閩中有大書一部名曰通志知其爲名儒鄭先生所著也先生諱樵字漁仲興化人自號夾漈子思見其書而無繇近大德歲閒東宮有令下福州刊通志于是益思見終無繇也游宦劍津始獲見通志二十略乃興化舊刊本近三十冊或曰此通志之節略者爾或曰此說非也通志凡二百卷爲全書而二十略者特傳志中之一所謂略者非節略之謂夾漈序曰總天下之大學術而條其綱目名之曰略凡二十略百代之憲章學者之能事盡于此矣由是而推則二十略自二十略

通志全書自全書而略在全之內也今福州所刊通志凡萬幾千板裝背成凡百十冊視興化之三十冊則福爲全志明矣大抵通志之作乃鄭先生欲破班固斷代爲史之非而律以司馬遷通歷代爲史之法故趙必彙之跋直指爲全史而不以爲類書其說謂通志以紀傳表志爲例大意法司馬子長史記以全書名志故以略名天官等書又曰莆陽刻本二十略然全史未之見則志自志略自略也予今僅見二十略而其全志未睹未敢輕于論議謹按二十略之次序曰生民之本在姓氏

故作氏族略書契之本見于文字故作六書略明七音之本達六合之情使裔夷之俘皆知禮義故作七音略天文在于圖象有義無象莫能知天故作天文略地理之家在封圻封圻之要在山川今準禹貢之書而理川原本開元十道圖以續今古故作地里略梁汴者四朝舊都足爲痛定之戒南陽者中原新宅宜爲無疆之基故作都邑略諡法一家國之大典今所纂削去引辭而除其曲說故作諡法略祭器者古人飲食之器今之祭器出于禮圖徒務說義不思適用故作器服略樂以詩

爲本詩以聲爲用齊魯韓毛四家博士各以義言詩遂使聲歌之道廢故作樂略學術苟且由源流之不分書籍散亡由編次之無紀故作藝文略冊府之藏不患無書校讐之司未聞其法故作校讐略圖成經書成緯古者左圖右書不可偏廢卽圖而求者易卽書而求者難故作圖譜略款識者古人之面貌金石之功寒暑不變今藝文有志而金石無紀故作金石略洪範五行傳者巫瞽之學也天地之間災祥萬種人閒禍福冥不可知若之何一蟲之妖一物之戾皆繩之以五行臣故削去

隱居通議卷三十一

九
海山仙館叢書

而作災祥略五方之名本殊萬物之形不一通鳥獸之情狀察草木之精神故作昆蟲草木略凡十五略出臣曾臆不涉漢唐諸儒議論禮略序五禮職官略秩百官選舉略言掄才之方刑法略言用刑之術食貨略言財貨之源流凡茲五略雖本前人之典亦非諸史之文也先生自序二十略之大旨如此其編摩之勤意度之新誠爲苦心千載獨步然披覽究意似亦止是類書故庸齋之序以爲博不如約特其該洽精審則勝于通典事文類聚翰苑新書之類至于通志全書世以爲史尙未

及見又不知先生所以用意者何如也姑俟續考。卷末有古壽呂君政跋云二十略乃通志內之一書也其說益明先生少不事科舉惟務著書三舉孝廉兩舉遺逸俱辭後以經筵列薦特召賜對稱旨命以官主管禮兵部架閣文字乞還山詔給筆札修史及繕寫成書二百卷造朝除樞密院編修官兼檢詳諸房文字又命繳進通志通略未及上而卒有子翁歸纔八歲家藏遺藁多散逸云

元貞陳言

隱居通議卷三十一

十

海山仙館叢書

元貞新政有北士吳助教陳定本十六策其言雖若泛濫至其條例時弊處沈著痛快今摘其要以示後

今天下以爲亂邪而海宇清寧重譯來貢災沴不作年穀頗登未見其亂之迹也以爲治邪而官吏姦貪盜賊竊發士鮮知恥民不聊生號令朝出而夕更簿書斗量而車載庠序不立人材無自出之由律令不修官府無常守之法舍真儒用苛吏棄大本而求小功空中國事外夷取虛名而獲實禍漢以火唐以土此德運之重事先儒有相生相勝之評殷尙質周尙文此因革之大綱

今代無所損所益之譏學校科舉常平義倉平準物貨之法皆今之急務有益萬世而不爲僞金僞銀妄醫謬卜巫覡符水之流皆古之所禁不遠千里而必取金銀有人而無出不在乎鈔之舊新田疇少狎而多荒奚論乎穀之貴賤布帛翔涌而號寒者滋甚米粟漸平而嘍饑者愈多邊鄙有數十萬之兵倉廩無五七年之積有司多不才之俗吏諸衛半無用之冗兵服色混有扎撒孫之權官爵濫有別里歌之選郡國苦達魯花赤不遷之虐驛站患脫脫和孫細檢之煩海東進名鷹動有千百騎之擾安南獻馴象嘗遺一萬里之憂鰥寡孤獨之人饑凍不知其廣惠流連荒亡之輩醉酗不問其所由受一貫之錢者有刑撒花銀不在此例爭一壟之田者必訟奪草地莫敢誰何草料有亭歌孫之偏枯頭匹夫有不蘭奚之乾沒海運糧不能以無擾鹽料草未免乎強科削民力置屯田利于此而害于彼攻提刑爲肅政舊其弊而新其名秋官乏推讞之人吏部闕銓衡之法散官降職事三等選曹守無謂之規覃恩增品級一階有司敗垂成之典藍綠朱紫巧宦有四時之遷省部院

臺善進有九階之轉驟用者號稱不次滿考者目爲不通權門以之大開公道由是不立出納之吝一生二二生三上下交征萬取千千取百公行賄賂守令無牛犢之畱私舉錢糧豪富有羊羔之息米至倉而官不爲入商旅聲苦于上都物輸公而價不爲酬者老稱冤于外郡御史言官也經年未見言章翰林論思也終日未聞論狀北門有編修修課所修者未審何書東觀有祕監監丞所監者未知何事大常乃禮樂之根本孰明五音成均實教化之淵源誰通六藝星芒示異木除舊布新

隱居通議卷三十一

十一

海山仙館叢書

之事司天但務于禱祈日蝕爲災蓋扶陽抑陰之徵大史惟陳其躔度河渠峻由地形不便都水失泊水之宜印版壞無方略可陳興文有喪文之罪曰清流曰雜職朝儀混文武之班爲大夫爲將軍官階失左右之寄財穀止有此數十倍入難應橫支官吏旣無定員千萬求莫尋見闕豺貍當道倖門如鼠穴之多虎豹守關甲第如蟻封之密士生纒弱冠上事君而下臨民親死不奔喪內成婚而外入仕上倍中中倍下田祿無公侯異等之頒窮則變變則通楮弊失母子相權之道江南苦茶

鹽之重稅山西患穀粟之遠移逋縣未已于追徵繇役
安在乎蠲免棄產拋家者比比如是質妻賣子者往往
皆然賜予弗加于賢能公私以之而匱乏筭杖無小大
之節徒流無遠近之分俸秩應添而不添冗員當減而
不減朝士無修己治人之學臺諫盡呈身識面之徒目
刻薄爲忠貞殆似指鹿而爲馬用奸黠治郡縣何啻驅
狼而牧羊大臣持祿而不言小臣畏罪而不敢以朝三
暮四之術愚醉生夢死之民方今之勢如是而已雖非
大亂亦未可謂之治矣○如上所陳多有警語特有時

隱居通議卷三十一

三

海山仙館叢書

而牽于對偶失之不切則其意惟在作文非言事之體
又且毛舉縷數如此是內而朝廷外而郡邑無一事無
弊無一處無病尙何足以爲國乎此蓋急于吐露而忘
其裁制也然其文意到處自是可采所謂定本十六策
其目曰修實德則天道定嚴宇廟則人事定重一統則
大業定開言路則聞見定近正人則心術定設大學則
風俗定杜倖門則奔競定罷遠征則邊鄙定議律令爲
政之本廣學校爲教之本增從祀爲道之本復襲封爲
德之本興勸農爲富之本汰監司爲治之本褒隱士爲

勸之本用賢才爲化之本以上十六事文詞浩繁且有重複迂緩處茲不盡錄或云此人誤成此書不會投獻而沒其彙流傳果如是殆亦好名之士歟雖然猶勝于暗暗默默與草木俱腐者也

前朝封爵

宋時封爵有大國次國小國之殊其閒亦有臣子所不敢受封者謂如累朝潛藩曾經封冊則俱在不封之例偶見景定條法具載甚詳因錄于此雖時異事殊亦可見當日典故云

隱居通議卷三十一

古
海山仙館叢書

大國

趙不封 晉不封 秦 齊 魏 韓不封 燕

楚 魯 梁不封 宋不封 陳 吳 越

夏 商 周 漢 唐 昇不封 冀

豫 兗 荆 雍 揚 徐 鎮

益 鄧 邠 潭 涼 鄆 蜀不封

太宗嘗封晉徽宗嘗封韓故不封餘皆此例若趙與宋則國名與姓故也

次國

衛

鄭

蔡

曹

許

代

瀛

慶

岐

隨

密

邢

壽

路

蘇

定

相

廣

延

婆

涇

福

宿

華

廣

延

婆

涇

小國

江

滕

向

黃

紀

譙

原

弘

邴

郈

取

舒

介

道

豐

蔣

蕭

邲

譚

霍

萊

郇

鄆

鄆

戴

桐

遂

營

隱居通議卷三十一

五

海山仙館叢書

管

沈

虞

應

息

英

任

崇

榮

扈

濮

巢

觀

安

申

號

邠

札

賈

鄆

邳

巴

夷

穀

頓

糜

黎

葛

蓼

項

邶

邳

茅

肸

庸

皋

滑

邶

牟

權

甘

祭

尹

溫

毛

樊

成

單

劉

鞏

邵

邶

酈

宰

高

甯

杜

呂

皖

雷

郡

鄆

郇

焦宛鄮穰葉郢鄆

緡勵費郤隴范程

鄱鄒潛涪遼羸絳

汲梧軹營翁花蘭

易鄱洮澤昌翟陸

緇卞綸廬翼鄒房

裒康不封沛邳彭寶鄂

鄴薊不封汧沂沂肅

岷鄆鄆莘順渝郫

蒲鄆豐棣光儀懷

永盛濟信義寧襄不封

均睦丹思簡忻韶

嘉不封端不封循恭不封愿

虔資昭欽珍激通

和衡會撫岳袁桂

斬澧深洋建不封鄜瓊

茂衢澶德吉景椰

博負惠潤莒郊夔

隱居通議卷三十一

去海山仙館叢書

芮 薛 鄖 鄆 羅 郃

節鎮

北海青 高密密 濟南洛南 魯郡襲慶 彭城徐

濟陰與仁 東平袁平 襄陽襄陽 南陽鄧 漢東隨

安康金 房陵房 滎陽鄭 靈河滑 汝南蔡

淮寧淮寧 汝陰順昌 澶淵開德 景城滄 信都冀

常山真定 鄴郡相 博陵中山 河東河中 陝郡陝

馮翊同 華陰華 華原耀 新平邠 洛郊鄜

扶風鳳翔 天水秦 安定涇 臨熙熙 大原大原

隱居通議卷三十一 七 海山仙館叢書

上黨隆德 平陽平陽 新秦麟 廣陵揚 譙郡亳

符離宿 廬江廬 餘杭臨安 會稽紹興 吳郡平江

丹陽鎮江 吳興安吉 東陽婺 奉化慶元 建康建康

宣城事國 豫章隆興 南康贛 長沙潭 江陵江陵

江夏鄂 安陸德安 蜀郡成都 梓潼潼川 雲安夔

黔中紹慶 益川利 洋川洋 建安建寧 清源泉

南海廣 始安靜江 普寧容 漢中興元 閬中閬

永安邕 武當灼 河澗瀛 同安安慶 武陵常德

弋陽光 新定嚴 潯陽江 巴陵岳 唐安崇慶

瀘川 普安

隆慶 高安

峯慶

融水

龍水

宜

南平

重慶

犍爲

嘉定

前朝科詔

唐設諸科取人而進士科獨貴當時見之贊詠有曰利市欄衫拋白苧風流名字寫紅箋又曰揚州十里小紅樓盡捲上珠簾一半又曰莫羞脫落殘牙齒曾喫紅綾餅餤來皆所以多其榮也宋沿唐制亦貴進士科然唐猶兼采時望不專詞章宋則糊名考校一決于文字而已故議者有一番科第諸色人皆備之說雖則云然要

隱居通議卷三十一

六

海山仙館叢書

之實出于公其得之者蓋天與之而人亦貴之也獨有不可曉者如唐之李衛公卓爲一代才相會昌之政焜耀史牒袁州讀書遺蹟至今猶存而乃見遺于科目如宋之李旰江該博偉碩范文正公至以師禮待之如程伊川道德學術百世宗師如近世余樵隱才兼文武一代逸才乃衛公輩人俱不中第若以文論則尹少稷陸放翁劉後村皆學富文工豈不足以綴末科而咸被黜落至煩特旨賜第進列清華甚可笑也考之唐制不見有科詔之類宋至南渡後三載一策士大槩以子午卯

酉年鄉貢士以辰戌丑未年試禮部奏名進士而寅申
己亥年則修明禋或舉郊祀其試鄉貢舊無定日故奔
競者或有一人而試數郡紹興中懲其弊令諸郡同以
八月十五日引試當是年則二月一日頒詔旨示以取
士之意而戒飭之凡遇此歲通謂之詔歲自德祐丙子
正月行都失守是年科廢逮今踰三紀矣往時故蹟銷
磨漸滅後生小子無復能之前輩凋零鮮有能道者揭
來劒津有儒家子賈似之出示咸淳登科記一冊黃絹
碧標題曰咸淳七年同年小錄首載科詔覽之淒然蓋
不見此久矣因錄以示來者而并述大略如此

隱居通議卷三十一

九

海山仙館叢書

咸淳六年二月一日詔書

敕門下朕聞爲國之道得士則重隆周以鄉里舉盛漢
以州郡薦莫不由此其選唐衆科之目進士爲尤貴本
朝因之斯道浸昌名臣輩出蓋其效可觀矣朕自踐祚
嘉與海內俊茂臻于斯路永惟天地之間惟理最大先
皇帝實表章之以幸斯文濟濟多士文王以寧信乎其
以寧也前年羣試禮部深詔執事務索諸理以觀其學
庶幾成風以章先帝詒謀之仁思昔仁祖嘗下詔書以

古道飭天下士天下士皆自濯摩亦翕然丕變一歸于正若時得人號稱最盛至元祐而裕于所用沔致隆平今天下方聞之士素所蘊抱有志當世而弗壹新美之真材何由見朕今有詔令中外各舉進士勿以具文應諸路轉運使者其爲朕精擇有司越庶伯君子尙旣乃心以考其藝淵原正大之學忠實剴切之言朕所欲聞也追琢其章金玉其相凡爾選造其爲時奮興式丕化于人文稱朕意焉故茲詔示想宜知悉

咸淳七年省試戒飭考試官御札

隱居通議卷三十一

三

海山仙館叢書

我朝取士之途惟進士一科得賓興遺意事莫重焉出爲世用者臺萊杞李之材相望也近年士風盛而古意衰習競浮華辭昧體要真材不足以勝謏聞雷同反得以傲帚倖出朕甚非之嘗于秋賦激其原且令覆引汰其謬能者伸矣比復豫戒春闈以論策定去取經賦定高下此則蘇軾所謂以文章言論策爲有用意也茲簡儒彥參典文衡其旣乃心其詳乃視毋苟且毋偏執所置先後惟其當不必以不自己出爲嫌爲國得人益綿

豐芑之澤則予一人以懌

付方逢辰以下

咸淳七年正月二十五日鎖院

敕差

知貢舉

中奉大夫權尙書吏部侍郎兼侍讀嚴陵方逢辰

君錫

朝散郎權尙書禮部侍郎兼權中書舍人兼侍讀

東嘉陳宜中與權

同知貢舉

隱居通議卷三十一

三

海山仙館叢書

朝散大夫起居郎兼權兵部侍郎括蒼陳存體仁

朝散大夫起居舍人兼權直學士院兼國子司業

兼侍講古涪文及翁時學

監試

朝散郎殿中侍御史南豐曾淵于廣微

參詳官一十二員點檢試卷官三十員主管牒試

避親官一員監大門官一員監中門官一員中諸

司官二員封彌官六員謄錄官三員對讀官二十

四員巡鋪官八員彈壓受卷官一員總轄諸司官

一員同主管官一員外諸司官一員各有銜位不
盡錄是年省元吉州劉夢薦

貢院排場日分

二月初一日初二日初三日引試大學諸州軍正解免
解詩賦論策三場

二月初六日初七月初八日引試大學諸州軍正解免
解經義論策三場

二月十二日十三日十四日引試博學宏詞三場并宗
子取應二場

隱居通議卷三十一

三
海山仙館叢書

二月十四日十五日引試大學公試經義詩賦論策二
場

二月十五日十六日十七日引試武學公試七書義論
策三場

二月十八日引試三學泛免一場

二月十九日引試京學頻申一場

二月二十日引試京學零分一場

別院試

敕差

監試官

朝散郎監察御史古括張志立澤民癸丑姚榜

主文官

朝奉郎新除將作監兼崇政殿說書長沙丁應奎

圭叟癸丑姚榜

承議郎守祕書丞兼權度支郎官兼莊文府教授

三山許自資道丙辰文榜

考試官二員點檢試卷官七員監門官其二員封

彌謄錄對讀巡鋪等官共八員今不盡錄

隱居通議卷三十一

三
海山仙館叢書

別院排場日分

二月初一日初二日初三日引試避親并諸路漕舉監

舉進士詩賦論策三場初四日初五日歇

二月初六日初七月初八日經義論策三場

二月初九日初十日十一日十二日引試大學避缺

賦論策二場

同日引試武舉內地平等正請正免人七書義兵機第

二場又引試大醫局習醫生局生三場又引試兩

淮正請正免武舉并絕倫人及安東州江陵府進

士七書義兵機策二場

二月十二日引試宗學公試經賦論策二場

四川類省試

舉送

大中大夫權兵部尙書四川安撫制置使兼總領

四川財賦軍馬錢糧專一報發御前軍馬文字

兼提領措置屯田兼夔州路計度轉運使兼本

路勸農使兼知重慶軍府事兼管內勸農使南

部縣開國子食邑五百戶賜紫金魚袋閩中朱

隱居通議卷三十一

二

海山仙館叢書

禳孫千載甲辰留榜

監試官

朝議大夫直寶章閣潼川府路提點刑獄公事兼

本路勸農提舉河渠事提舉弓手寨兵兼本路

轉運判官四川制置使可

缺

鄧益季謙乙未吳榜

主文考試點檢監門封彌謄錄對讀等官皆不錄

以上皆省試事

咸淳七年五月四日御試集英殿

敕差

詳定官

中順大夫試尚書吏部侍郎兼權吏部尚書兼給

事中兼侍讀章鑑

朝散大夫權尚書工部侍郎兼中書舍人兼直學

士院兼祭酒侍讀盧鉞

奉議郎守右正言兼侍講陳伯大

編排官

朝議大夫新除大府少卿鄧益

隱居通議卷三十一

三 海山仙館叢書

朝請郎尚書吏部員外郎右司陳緯

初考覆考點檢對讀封彌巡鋪等官共二十六員

皆不錄

御試策題

問厥初顛筓實生兆民孰總其羣乃作之君孰牖其

迷乃作之師君治之師教之禮樂刑政之所繇生與

其天下國家者壹是以元元為命脈凡議論所講明

政事所設施罔非為邦本計夷考載籍率與天竝言

之明威視聽皆自我民其不可輕者固如此歟三聖

傳心之要不越執中數語斯蓋萬世君師之大綱頌
究其指歸則曰非后何戴非衆罔守然則一中妙用
固所以爲維持固結之道歟道之出有原道之傳有
統前聖後聖同一揆歟我國家誕受天命以奄有九
有列聖代光紹明大保人斯無疆我先帝迪畏天顯
懷保小民四十一年躋敬履仁用能延洪基緒式克
至于今日蓋其精神心術之妙融會于六經之奧要
語一書口傳面命其示軌範者在是朕祗通猷訓行
其所知召故老求賢才以尙賢也然召未能至求未

隱居通議卷三十一

三

海山仙館叢書

盡獲何以致信順之助訓守牧戒貪殘以布治也然
訓未必孚戒未必革何以新治象之觀求牧與芻當
謹也旣不用嫺威每選用賢良宜有厚生之政而未
見田里之無愁歎竭澤而漁弗忍也旣力郤貢奉且
禁獻羨餘宜有益下之說而尙聞郡邑之有征斂義
廩之發恃以賑饑而侵牟或不免田租之蠲本以寬
賦而苛取或如故至若豁諸州之積負損版曹之故
額俾紓急絕之擾浚寓省憂之實而民未有愜志勢
若中隔澤不下流歷思之汔不得其說意奉憲者導

之未明歟豈吏罕廉平則治道衰歟將治生乎積非
可速成歟抑習錮于玩未易遽革歟朕寅念先帝詒
謀常恐羞之重爲之惕然也子大夫博古通今夙抱
經濟之蘊其據經以對毋有所隱朕將親覽焉

此題視草學士不知爲誰氣卑文弱黯無晶光甚
非王言之體也當是時襄圍正急事所宜問孰大
于此恬不之及乃枚舉六七事之泛常者謬矣
以上皆殿試事

咸淳七年同年小錄

隱居通議卷三十一

三 海山仙館叢書

五月二十一日

皇帝御集英殿唱名賜進士張鎮孫以下及第出身
同出身五百二人當日赴

期集所

六月一日准

敕依格賜進士期集錢及小錄錢一科計一千七百貫

文十八界

六月初五日

朝謝

六月十七日謁謝

先聖

先師

七月初十日賜聞喜同日降賜御詩于禮部

七月十八日拜黃甲同日敘同年于禮部貢院

七月 日准

敕依格賜進士期集錢及小錄錢第二次第三次共三

千四百貫文十八界立題名碑于禮部貢院

期集所職事官

隱居通議卷三十一

三

海山仙館叢書

糾彈 箋表 主管題名小錄 掌儀 掌計

典客 掌酒果 掌膳 掌器 司門 諸職並于五百

名內 選差

謁殿職事

初獻張鎮孫 亞獻杜文甫 終獻陳鉞

糾彈 掌儀 贊禮 讀祝 奉幣 酌酒

詔禮 分獻 直罇 直盥洗 舉鼎 直爵洗

直爵 諸職依上選

第一甲

共十七人不能備載姑錄三魁可例其餘

字鼎卿 小名鼎 小字技金

第鼎一 具慶下

第一名 年三十三七月五日寅時生 治易

一舉

張鎮孫

外氏何 娶蔡

兄弟

曾祖元貴

祖機

父南仲

本貫廣州南海縣城南廂高祖朝請大

夫為戶

隱居通議卷三十一

无

海山仙館叢書

字實翁 小名文舉 小字用之

第八十 永感下

第二名 年三十九八月二十二日生 治賦

鄉請初免舉

杜文甫

外氏姚 娶陸繼邨 兄奇縉雲主學

曾祖侁 祖芭 父一桂故通直

本貫台州臨海縣

字宜之 小名方中 小字鍾真

第正十二 具慶下

第三名 年二十七九月日時生 治賦 一舉

陳 鉞 外氏戴繼湯 娶計 兄某貢成均弟

某

曾祖思濟 祖紀 父應奎貢成均

本貫太平州當塗縣慈湖鄉化龍里

第二甲共三十九人

第三甲共七十七人

第四甲共一百九十八人

第五甲共一百七十一人

隱居通議卷三十一

三 海山仙館叢書

特奏名第一名吳清伯附第五甲 建寧府政和縣人

登科五百二人不能盡錄姑載三魁姓名于前則五百名可以類推蓋亦存古之意云爾革命以來不能存此者多矣賈氏子猶存此錄乃其二父曰昌忠曰純孝者俱以辛未登科故有此也其本貫乃蜀之懷安軍金堂縣人兄弟皆治書中選可謂盛事其子今寓南劍城內之紫洲嶺云方今武功既著文治將興吾黨之士其摩厲以須他日賓興將見代有偉人出為吾道重此理之必至者也慎毋廢學自暴自棄云

卷三十一 終

